

# Powšitkowne WOZJEWJENJA

njedźelu, 16. julija 2017

## Kemše w Krupce

Na putniku Božu mšu srjedu, 26. julija, w 10 hodź. w Krupce pojedže zaso bus. Štóż chce sobu jěć, njech so hač do pónđzele, 24. julija, w Šmitec wozydłownistwje w Radworju přizjewi, telefonowe čisło (03 59 35) 28 60.

## Nóc tysac swěčkow

Na zahrodže klóštra Marijineje hwězdy w Pančicach-Kukowje dožiwja wopytowarjo sobotu, 22. julija, wot 19 hodź. zaso nóc tysac swěčkow. Wšitcy su wutrobnje přeprošeni.

## Dopomnjenka na pasionsku hru

Tele dny wušła 28stronska dwurěčna brošurka z mnohimi barbnymi fotami dopomina na přewšo uspěšne předstajenje pasionskeje hry w septembru 2015. Zdobom je krótka informacija wo katolskich Serbach zapřijata. Na předań je brošurka za pječ eurow pola časnikarja Jürgena Njeka w Chrósćicach. Štóż sej brošurku kupi, dóstanje k tomu DVD z filmom wo pasionje.

## Mužojo přińdu z Marsa, žony z Wenusy

Poradźowarnja za mandželstwa, swójby a žiwjenje Drježdžansko-Mišnjanskeho biskopstwa přeprošuje pory wot pjatka wječora do njedźele připołdnja, 11. do 13. awgusta, na seminar pod hesłom „Mužojo přińdu z Marsa, žony z Wenusy“. W srjedźišću kursa w Smochčanskim Domje biskopa Bena ma prašenje za potajnstwom dobreho partnerstwa stać. Nawod změjetej poradźowarjej Dorothea Kramß a Alexander Burghardt z Lipska. Zajimcy měli so hač do pjatka, 28. julija, pod telefonowym čisłom (03 41) 9 83 00 71 abo e-mailowej adresu [efl-beratung.leipzig@bistum-dresden-meissen.de](mailto:efl-beratung.leipzig@bistum-dresden-meissen.de) přizjewić.

## Znowa Gig-festiwal w Róžeńće

W Róžeńće wotměje so wot pjatka do njedźele, 21. do 23. julija, Gig-festiwal. Wón zahaji so pjatk, w 19 hodź. z Božej mšu w hnadownej cyrkwi. Po kemšach pokaza so film „Outcasts“, kotryž rozprawja wo džěle franciskanow wobnowjenja z New Yorka. Sobotu popołdnu přewjedu so wot 14 hodź. workshopy, wot 17 hodź. koncert ze wšelakimi mjezynarodnymi skupinami. Mjez nimi budže rockowa skupina Cardiac Move z Awstriskeje runje tak kaž Edwin Fawcett a gospelowy chór z Jendźelskeje. Za kóždeho budže něšto pódla – pop, soul, rap a rock kaž tež kabaret, zdžěla zarjadowarjo. Swjatočnu Božu mšu njedźelu, 23. julija, w 10 hodź. scelak Radio Horeb originalnje přenjese. Budže to tón dzeń jenička njedźelna Boža mša na hnadownym městnje. Kemšam přizamknje so brunch. Wot 14 hodź. přewjedu so dalše workshopy. W 19 hodź. budže hudźbny nyšpor w cyrkwi. Z tak mjenowanej „chwalbnej party“ z Joe Melendrezom a DJom Amandom so Gig-festiwal zakónči. Wšitcy – młodostni runje tak kaž starši a swójby z džěćimi – su wutrobnje do Róžanta přeprošeni. Nadrobny program je w interneće na stronje [www.gigfestival.de](http://www.gigfestival.de) wozjewjeny.